

IOANNI RIBERÆ  
PATRIARCHÆ  
ANTIOCHENO,  
ET VALENTINORVM  
ARCHIEPISCOPO,



FRANCISCVS RIBERA, PRES-  
byter Societatis Iesu, S.

**P**OSTQVAM Theologiae magistris ope-  
ram dare desij, Ioannes Patriarcha, apud  
quos te extremo anno consecutus sum, nihil  
mibi prius fuit, quàm vt primo tempore leui-  
ter, postea accuratius cum Scholastica Theo-  
logia subtilitate scripturarum studia copula-  
rem, eaque, & re ipsa, & origine coniuncta  
minimè dissociarè, sed quasi in antiquo fœdere, & in veteri ami-  
cicia continerem. Id vt diligentius, & liberius facerem, accidit  
percommode quòd haud ita multò post in celeberrimum Sancti  
Iacobi Zebedæi collegium cooptatus sum, quod Salmantica extru-  
xit clarissimus Princeps Alfonsus Fôseca Archiepiscopus Toletanus,  
ex quo, tanquam ex equo Troiano principes multi, atque in  
omni doctrina genere prastantissimi viri, semper prodierunt. Hic  
ego dum fui, vbi nemo me interpellabat, fui autem diu, totum me  
his literis dabam, quantumque altera alteris inuarentur non sine  
voluptate experiens, congesti, & e laboravi non pauca, quæ postea  
mibi magno vsui, ac emolumento fuerunt. Hinc factum est, vt  
postquam placuit ei, qui me segregauit ex utero matris meæ, vt  
me ad societatem filij sui adduceret, vix eadem societas scholas sac-  
ræ Scripturæ habere statuerat, cum ei me operi præfecit, ac labo-  
ri. Eius muneris duodecimo iam exeunte anno hac ad te scribo, &  
bonam laborum, ac vigiliarum partem, hoc est in librum duode-  
cim Prophetarum commentarios, pignus perpetua meæ erga te  
obseruantia futuros mitto. Quàm merito, ac rectè hoc faciam,  
quantumque mihi de tali mearum lucubrationum patrono gra-  
tuler,